

ՀԱՄԱՅՆՔԻ ՂԵԿԱՎԱՐԻ ԲՅՈՒՋԵՏԱՅԻՆ ՈՒՂԵՐՁԸ

Համայնքի 2019թ. Բյուջեն կազմվել է՝ հիմք ունենալով համայնքի 2017- 2021թթ. զարգացման ծրագիրը: Համայնքի ռազմավարությունն է՝ բարեփոխումներ անցկացնելու ճանապարհով հետևողականորեն բարելավել համայնքի բնակչության սոցիալ-տնտեսական պայմանները: Համայնքի 2019թ. բյուջետային քաղաքականության հիմնական ուղղություններն են՝

- ❖ *Բարելավել համայնքի ֆինանսական վիճակը՝*
 - Ճշտելով և թարմացնելով հողի հարկի և գույքահարկի տվյալների շտեմարանները
 - Իրականացնելով տեղական տուրքերի և վճարների, համայնքային ծառայությունների մատուցման վարձավճարների սահմանման և գանձման ճկուն քաղաքականություն
 - Խթանելով ձեռներեցությունը և համայնքային տնտեսության զարգացումը,
 - Ապահովելով բյուջեի մուտքերի կանխատեսումների իրատեսությունը
 - Բարձրացնելով սեփական եկամուտների հավաքագրման մակարդակը;
- ❖ *Նպատակային օգտագործել բյուջեի միջոցները՝*
 - Բարձրացնելով բնակչությանը մատուցվող համայնքային ծառայությունների որակը
 - Բարձրացնելով քաղաքապետարանի և համայնքային ենթակայության կազմակերպությունների աշխատանքի արդյունավետությունը:
- ❖ *Կապիտալ ներդրումներ կատարել համայնքի բնակարանային-կոմունալ և ճանապարհային տնտեսության բնագավառում:*
- ❖ *Իրականացնել կրթության, մշակույթի և սպորտի բնագավառների համայնքների ենթակառուցվածքների նորոգման, ջեռուցման համակարգերի վերականգնման, գույքային և տեխնիկական վերազինման աշխատանքներ:*
- ❖ *Իրականացնել սոցիալական տարաբնույթ ծրագրեր:*
- ❖ *Աշխուժացնել համայնքի մշակութային, մարզական և հասարակական կյանքը:*
- ❖ *Համագործակցել դոնոր կազմակերպությունների հետ՝ համայնքային տնտեսությունում լրացուցիչ ներդրումներ ապահովելու նպատակով:*

Ես դիմում եմ համայնքի բնակչությանը, ավագանու անդամներին, հարկատուներին, քաղաքապետարանի և համայնքային կազմակերպությունների աշխատակիցներին՝ շահագրգիռ մոտեցում ցուցաբերել համայնքի 2019 թվականի բյուջեի միջոցների ապահովման, դրանց օգտագործման ուղղությունների ճիշտ ընտրության, բյուջեի կատարման և վերահսկման նկատմամբ:

ՀԱՄԱՅՆՔԻ ՂԵԿԱՎԱՐ



Դ. ՀԱՄԲԱՐՁՈՒՄՅԱՆ